

tinqalangan nku' Cawasiq

sinraluan nku' Gipun ga Olorang ku' ragiyax ka hani. yugun
nku' sebu' na' tu'iya' ku' ralu' maha' ragiyax na' Hnglongsan. minuwah
cku' ragiyax na' ralu' nku' tinqalangan ku' ragiyax na' Hnglongsan.
kinakian na' Matu'uwal cu' cunga' ru san naha' maha' Pangpang. umiyax
cku' ragiyax na' Ciyarisan ku' qutux cu' imuwaag na' Cang. payux ku'
talan naha' ka swasiq. sipaglug naha' kumaal maha' Swasiq la ku' kakian
naha' la. yani tayhuk cku' kaal ka hani la. san na' Matu'uwal ku' Swasiq ga
Cawasiq.

magalaying tayhuk cku' Cawasiq ku' Matu'uwal. babaw niya' la ga
muwah la ku' Sincu Ubung nku' tinqalangan na' Cingcyen ka Itaal la. yani
ku' qutux cu' imuwaag na' Cang. mapusugagay la ku' qutux cu' imuwaag
na' Cang. matagmakilux ru umiyax cku' Mumusinmayan ru tayhuk cku'
ragiyax na' Ciyalisan ru yani tumimu cku' Nancwang la. magalpu cu'
kabhul ru mamaqisu cu' kabhul ru maspatul cu' mamatuu' la ga mana'aring
cku' ragiyax na' Cyalisan ru makasawbih cku' Nancwang ru tumuwang
cku' kakian ka sawni la. babaw niya' la ga mana'aring 'i' tumuwang ku'
qutux cu' imuwaag na' Lin ru Cen. tiku qutux cu' imuwaag na' Lin ga
minukahul cku' Sincu Skaru' ru gumlug cku' ragiyax na' Censan,

Cyarensan ru tumuwang cku' Babuan cu' Para'. babaw niya' la ga, gumlug
cku' ragiyax na' Pekengsan ru tayhuk cku' Nancwang la ga tumimu cku'
tinqalangan nku' Bungme la. babaw na' kaal la ga, umiyax cku' ragiyax na'
Cyalisan ru tumuwang la cku' Cinsuweicun ru tumimu cku' tinqalangan
nku' Cinbulan. yani ku' kinakian na' Lin ka qutux cu' imuwaag. ini
ka'ingasug ru mataga'ubaqan na' wagi' la ga tayhuk cku' Mabawkian. ini
ka'ingsug ru mabuwinah lawwiw cku' Cinbulan. maglug kinku' qutux cu'
imuwaag na' Cang. yani ku' san naha' maha' tinqalangan nku' Cwasiq.

yani na' tumuwang cku' luliyung na' Mayri' ku' qutux cu' imuwaag
na' Cang, Lin ru Cen ga, rarimarima' tayhuk la ku' Mayrinax. tiku
pintuwawan naha' ga yani ku' miniq na' Matu'uwal. ani ini packa ku' kai'
na' tinqalangan nku' Cawasiq ru Tabilas. ini packa' ku' innuwahan naha'
uwiw. maglug ku' mamaliku ru kakanayril ka usaying ka tinqalangan ka hani
ru ara'ruwa' 'i' masibalaiq naha' la. kahi mati kumaal ku' nanabakis na'
tinqalangan nku' Cawasiq maha, ulung miq cu' rawrawq ru balaiq 'i'
makaal ku' Matu'uwal. balaiq cubalay ku' inlungan na' Matu'uwal. yani
makiya' ku' kinakian niyam ka hani la.

111 年全國語文競賽原住民族語朗讀 【汶水泰雅語】 高中學生組 編號 2 號

龍山部落

日本時期以 Oliorang 命名此山脈，國民政府更名為「橫龍山」，此地最早的主人 Matu'uwal 稱此地為 Pangpang，是傳統地名。現 swasiq 是一種龍葵植物名稱，張氏家族越過加里山發現山中長了許多龍葵，而稱此地為 Cawasiq，一直沿用至今。

龍山部落最早的主人是 Matu'uwal，其次是張氏家族。張家源於新竹縣五峰鄉清泉一帶，經由觀霧、樂山、東洗水山東側山腹的大部落，分散後張氏家族向北越過北坑山（Mumusinmayan）靠南庄加里山落居。

第二批遷入的家族為林氏家族及鄭氏家族。林氏遠自 Skaru 族群（新竹石加鹿），延榛山、佳仁山遷徙到 Babuan cu' Para'（雪見）。離開後到南庄風美部落、再翻越加里山遷移到錦水村 Cinbulan 部落即林氏家族舊址一帶耕作，後與張氏家族結為盟友，兩氏家族合成現在的 Cawasiq 部落。在張、林和鄭家族遷徙來到 luliyung na' Mayri' 這條溪流的時候，Matu'uwal 族群早已在此流域，遷入時的耕作地都是 Matu'uwal 族群所讓予。因此，常常聽到龍山部落的耆老說感恩 Matu'uwal，他們是一個極為友善和好溝通的族群，讓我們有今日的棲身之所。